

Evropako Romano Instituto **vaš Arte thaj Kultura** (ERIAK)  
Membrurengi Karta

Adoptisardi katar o Bordo PAKIV ando 6-to aprilo 2018 ndronime  
ko Bordo Pakiv X takimi ano Decembro 5, 2022

1. E Evropako Romano Instituto **vaš Arte thaj Kultura** (ERIAK) si jekh khetani iniciativa katar o Konsilo le Evropako, I Fundacia **vaš Putardi Societeta** thaj i Alianca **vaš e Evropako Romano Instituto**. E ERIAK-esko objektivi si te promovisarel e arte, i kultura thaj i edukacija sar jekh modo kaj promovisarel e manušikane čačimata thaj interkulturalo xakjaripe thaj kadja, te marel pes kontra o anti-žipsismo thaj diskriminacija karing e roma ande Evropa thaj te barjarel lengi andrutni pakiv.
2. Šov bijanimaske principurja definisaren o keripe, i guvernanca, i struktura thaj o membroisipe:
  - Respekto **vaš o digniteto** thaj o identiteto le romengo
  - Diversiteto thaj pluraliteto e romane identitetengo thaj kulturengo
  - Romengo **šerutnipe žutimasa** thaj kooperacijasa katar e **gaže**
  - Angažamento thaj kontribucija e romane organizacijengi thaj ženengi ando alosaripe thaj o keripe e bukjengo ando Instituto
  - Politikani **autonomia** thaj **bipartizanato**, ama ačhindos putarde karing e kolaboracije e publikane autoritetanca thaj karing parteneriaturja e politikane institucijenca
  - Maj **uče standardurja** pal o kaliteto ande arte thaj kultura thaj ande buki e Institutoski

O skopo e kartako

3. E Evropako Romano Instituto **vaš Arte thaj Kultura** (ERIAK) e.V. "o Instituto" si jekh asocijacija kaj na kerel profito telal i Germanski legislacija, kredo te del vast e eforturja **vaš o kidipe, paruipe thaj sikavipe e artake bukjengo** thaj kulturako pal e Roma vaj phangle k-i situacija le Romengi ande Evropa.
4. O Instituto si les duj kategorie membrurjenge: "permanento membrurja" thaj "**khetane membrurja**". O Konsilo le Evropako, I Fundacia **vaš Putardi Societeta** thaj i Alianca **vaš e Evropako Romano Instituto** **vaš Arte thaj Kultura** si permanento membrurja e Institutoske.

5. O Instituto si putardo karing e khetane membrurja pal sar si phendo ando artikolo 12 andar lesko statuto. Kerel kolaboracija bute institucijenca, inicijative ~~thaj manuša~~ interesuime andar sasti Evropa thaj avrjal kadaja, thaj andar savore kulturalo arie. E khetane membrurja si len jekh **vašno** rolo te barjaren e kulturalo, intelektualo thaj organizacionalo resurse e Institutoske.

6. Kadaja membrurengi karta anavjarel e čačimata thaj e obligacije kaj si e ERIAK-eske khetane membrurjen thaj del definicija pal e mekanismurja kaj sikaven sar **šaj** te thon pes von ande buki e Institutoski.

Kriteria pal e khetane membrurja

7. O khetano membroisipe ando Instituto si putardo e artisturjenge Roma vaj **gaže**, kulturalo **manažerja**, interesuime **manuša**, organizacie pal civilo societeta thaj kompanije andar o privatno sektoro save mangen te den vast o Instituto, len samate **leske skopurja thaj valore thaj adoptisaren leske šov bijanimaske** principurja. Shaj te oven akceptisarde sar membrurja institucije **thaj manuša**.

8. O khetano membroisipe **šaj** te lel pes pherindos jekh aplikacija online vaj xramosardi, kaj del pes k-o Ekzekutivno Direktoro e Institutosko. O khetano membroisipe si akceptisardo pal i konfirmacija.

### **Tematično sekciye**

9. E khetane membrurja si thode te alosaren jekh tematično sekciya pal sar von mangen thaj pal lengi eksperienca. E khetane membrurja **šaj** xramosaren pes ande maj but sekciye.

10. E anglune tematikane sekciye si:

- Arte thaj kultura
- Medija thaj informacije pal e arte thaj kultura
- Historia thaj komemoracija
- Rodipe thaj publikacije pal e arte thaj kultura

11. Pal i konsultacija e khetane membrurjenca o Bordo si les **čačipe** te adaptisarel e tematikane sekciye ando domeno le artengo thaj e kulturako.

### **Čačimata**

12. Kana si **šajpe**, e khetane mebrurja si te oven thode ande aktivitete e Institutoske. E khetane mebrurja si akharde te keran propozicije pal inicijative, kulturalo thaj artistikane parteneriaturja.

13. Pal pesko isipen ando interneto thaj ande socialo media o Instituto si te del e khetane mebrurjenge jekh platforma kaj te **šaj** paruven ideje thaj ekspertiza.

14. E khetane membrurja si len akceso ke **žanimatengi** (data) baza e Institutoski.

15. E khetane membrurja si len o pravo te sikaven o logo thaj o anav e Institutosko ande peske kulturalo aktivitete, pal e kondicije thode katar o Instituto. O Ekzekutivno direktoro si te del artake bukja thaj materialo pal o Instituto e interesuime membrurjenge.

16. E khetane membrurja si **len o čačipe** te len kotor k-o Generalno Kidipe.

#### Responsabilitetura

17. E khetane membrurja e ERIAK-eske den pesko lav te respektisaren o Statuto thaj i Karta le Membrurjengi thaj te promovisaren lesko skopo thaj valore thaj te respektisaren e šov bijanimaske principurja. Von den pesko lav te den vast thaj te zorjaren o anav e Institutosko thaj te **žutisaren** i implementacija leskeprogramurjengi.

18. E khetane membrurja den pesko lav te respektisaren thaj te **žan** pal e andrutne politike thaj regulacije le Institutoske.

19. E khetane membrurja si responsabilo te registrisaren pes ke maj cira jekh tematikani sekcija thaj te pokinen e membroski **beršeski taksa**.

20. Membrurja breshesko pucinipe te pucindoll katar e khetane membrurja si cudi katar o Board ("PAKIV"). E breshesko pucinipe si cudi ano website e Institutesko.

21. E lacimaske kontribucia pranusaon ano than e breshesko tarifako. E lacimaske kontribucia trobull kaj te ovel jek soj sar e tarifako kontribucia cudi ano website e Institutesko.

#### Sar len kotor e khetane membrurja ande decizijako proceso

22. E khetane membrurja den pesko voto te anavjaren membrurja ande Akademija BARVALIPE ande sekcija kaj von xramosarde pes. Sako khetano membro si les jekh voto. E khetane membrurja kaj xramosarde pes ke maj but de sar jekh sekcija, trebal te alosaren jekh sekcija ande savjate te den pesko voto. O voto si te kerel pes online. E duj kandidaturja kaj len o angluno thaj o dujo maj baro numero voturjengo ande saki tematikani sekcija, si te oven prezentisarde ando Generalo Kidipe te oven anavjarde ande Akademija.

23. E membrurja ande Akademija trebal te oven **žene** kaj si len but bari eksperijenca ande Institutoske bukjake domenurja thaj te oven **žangle** katar e manuša. I Akademija, ando principio, trebal kerdi ande jekh modo kaj e roma te

oven **mažjoritarno** thaj te lel pes samate i balanca pal e **žuvlja-murša**, pal i generacija thaj pal e regionurja.

**24.** E khetane membrurja den pesko voto ando Generalo Kidipe te anavjaren **ži k-o oxta reprezentanturja, te oven ande Akademija, vaš jekh mandato trine beršengo**. Aver anavjaripe si posibilo samo jekh data. Saki tematikani sekcija **šaj** te ovel reprezentisardi katar maksim duj reprezentanturja.

Solucije ke bixakjirimata

**25.** E bixakjirimata pal i buki e Institutoski, pal o proceso le alosarimasko thaj leske rezultati, o xakjaripe e khetane membrurjengo **vaš** e Membrongi Karta, vaj **vaš** orsavi rig e bukjaki ando **Instituto, trebal bišalde k-o Bordo PAKIV**.

**26.** Jekh khetano membro **šaj** te ovel dino avri andar o Instituto palal jekh **lačho** motivo. I ekskluzija (dinipe avri) kerel pes samo pal i rezolucija dini katar o Bordo. O khetano membro trebal te ovel **ašundo** anglal te lel pes i decizija.